

M178: Predigtfragmente (M/G T 43)

320r,1 [...] [...] waere . do daz reht unser herre brechen
320r,2 wolt do muse er ze ainer urist . sinem reht
320r,3 entwichen . muse die mennischeit durch
320r,4 uns enphahen . daz er dem laidigen uinte
320r,5 sinen gwalt uber uns benaeme . Daz was
320r,6 ir gebet taegeliches hin ce unserm herren
320r,7 des geuolget ovh er in so uerre . daz er selbe
320r,8 chom uiench den sichen bi den hanten .
320r,9 uurt in mit rate uz der menige
320r,10 der sunten . rurt im mit dem uinger
320r,11 sinen munt . unt siniv oren . gab im
320r,12 mit der gebe sinen heiligen gaistes .
320r,13 rehte sinne . daz er uersten unt gesprechen
320r,14 chunde sine heilige lere . braht
320r,15 in so wider ze sinen alten chreften . die
320r,16 er het e . er unsern herren mit der ungehorsam
320r,17 uermant . Mit dem sichen
320r,18 werden wir alle uon unserm sihtum
320r,19 wol beruht . ob wir iz mit innechlichem
320r,20 hercen da ze got suchen . er scol uns beruchen
320r,21 ze dem sihtum der sele . wan
320r,22 er in dise werlte uns chomen ist ze ainem
320r,23 haile . Habe wir niht die weruere die
320r,24 umbe uns biten . so scul wir mit libe
320r,25 unt mit sele uns selbe dar erbieten . er
320r,26 hat uns gegeben mannliche sinne . mit
320r,27 den wir unser dinch wol geweruen . chunnen .
320r,28 Swie willichlichen er uns chomen .

320v,1 si . swie uollichlichen wir uon im beruht
320v,2 sin . sinen guoten willen wil er daz wir
320v,3 da ze im weruen habe wir die uns uerwesen
320v,4 der weruere niht . so weruen selbe
320v,5 umbe unser dinch . unt sumen uns dar
320v,6 an niht . Da stet gescriben . Sua gratuita
320v,7 dona . nr-a uult e-e merita . Sin gut wille
320v,8 Scol chomen uon unser guten gaerden .
320v,9 Von welhen unsern gaerden? Daz wir

320v,10 tun also wir an dem euangelio uernomen
 320v,11 haben . Da stet gescriben . Quanto eis
 320v,12 p-cipiebat tanto magis plus p-dicaba-t .
 320v,13 Den livten die da en antwrt waren . uerbot
 320v,14 er daz si des zaichens iht gewugen .
 320v,15 so er in z ie harter uerbot . so si in ie mere
 320v,16 lobeten . unde taten uns daz ze ainem pilde
 320v,17 wande ovh wir mit dem sichen sin gemerchet .
 320v,18 Den sihtuom den er het an dem libe .
 320v,19 het wir an dem gemute . wir heten in
 320v,20 uon muotwillen . heten in niht uon dehainen
 320v,21 noten . Wir waren ertort unt
 320v,22 erstummet so daz wir uon got niht
 320v,23 gutes gehoren noh gesprechen chunden .
 320v,24 den sihtum hat er uns benomen . der
 320v,25 gnaden si er gelobet unt geeret . unt
 320v,26 swa wir noh haben dehainen gepresten .
 320v,27 den weruen daz er an uns geruche ze uerwanteln .
 320v,28 daz wir nu hinneuuor in sinem

321r,1 lobe unt in sinen eren so geleben muozen .
 321r,2 daz wir mit dem leben sine hulde uerdienen
 321r,3 muozen . Qd ipse p-stare . d . DoM- . xiii .
 321r,4 BEati oculi qui uident que uidetis .
 321r,5 In iudiciu- in hunc mundu- ueni .
 321r,6 ut qui non uident uideant & qui
 321r,7 uident ceci fiant . Ze ainem gerihte
 321r,8 chut unser herre . daz er in dise werlte .
 321r,9 chomen si . daz blintiv livte geseht werden .
 321r,10 unt gesehtiv livte blint werden .
 321r,11 Er sprichet an disem euangelio div ovgen
 321r,12 sin saelich div sehen daz sine iunger gesehen
 321r,13 haben . div oren sin saelich div horen
 321r,14 daz sin iunger gehoret haben . Nu
 321r,15 er ze sumelicher livte blinthait in dise
 321r,16 werlt chomen ist . war umbe ist disiv saelde
 321r,17 allen livten niht gemain . die er den
 321r,18 livten gehaizzen hat die in mit gluobigem
 321r,19 hercen baz denne anderiv livte .
 321r,20 gesehen habent . Die saelde unterstet .
 321r,21 mennischlich gemut unt daz wir da ze
 321r,22 im uinden daz im aigenlich ist gotlich
 321r,23 reht . daz rehtes geriht ze allem cite uuoret
 321r,24 dar nah vnd iz daz gemute der lute uindet . Er
 321r,25 ist daz reht . mit der gnade . er ist ovh daz
 321r,26 reht ane gnade . Daz reht mit der gnade .
 321r,27 ist er sinen urivnten . daz reht ane
 321r,28 gnade . ist er sinen uinten . want er reht da

321v,1 zvo hat daz er iegelichem lone nah sinen
321v,2 gaernden . sinen urivonten ze gnaden .
321v,3 sinen uinten ze ungenaden . Iz was
321v,4 hie phor allez ein genade . unze wir
321v,5 die gnade mit der ungehorsam uerworhten .
321v,6 da geriet iz ze einem rehte .
321v,7 swederhalbe iz geuiele . ze genaden
321v,8 oder ze ungenaden . Sine
321v,9 uriunt sint alle die sine mennischait
321v,10 sehent . unt sine gotheit innerwertes
321v,11 mit dem ovgen des hercen erchennent .
321v,12 sine uinte sint alle die sine mennischait .
321v,13 erchennent . unt sine gotheit que intrinsecus
321v,14 latet . div innerwertes uerholn
321v,15 ist . uraelichen uermanet . Von den
321v,16 wissaget der her symeon . do er sine mennischait
321v,17 in dem templo truch an sinen
321v,18 armen . Er chot . Ecce positus est hic in
321v,19 ruinam & reliqua . er waere chomen
321v,20 ze ainem ualle . unt ze ainer urstente
321v,21 uil livte in dise werlte . unt ze ainem
321v,22 zaichen daz uon sinen uinten wirt uersprochen .
321v,23 Zaichenlichen chom er in dise
321v,24 werlte . zaichenlichen was er in dirre
321v,25 werlte . zaichenlichen uur er uon dirre
321v,26 werlte . daz geluobeten sine uriunte .
321v,27 widerredeten sine uinte . den urivnten
321v,28 chom daz ze ainen saelden . den uinten [...] [...]